

Воскресенье

15

июнь 1941 ар
№ 48 (157)

2-тй арзэ потэ.
№-лэн дуныз 5 коп.

КОММУНИЗМЕ

Редакциялэн адресэ: ст. Пычас, УАССР, Коммунальной ульча, дом № 17,
выльсь этаж, телефон № 14.

ВКП(б)-лэн
Пычасской
райкомезлэн но
Райсоветлэн
органы

Зечлыко сюрес лэстымы

Ферганской колхозник'ёс Сталин лэн нимыныз нимама каналэз рекордной вакчи дырын лэстыса асьсэ сьбры Советской Союзлэн вань сэрэг'ёсыстыз тудящийёсты кысказы. Соослэсь амалзэс уже кутыса лэстымын тужгес бадзымесь Памирской но Узбекской тракт'ёс. Кубанской колхоз'ёс вакчи дырын Тшикской водохранилище лэстызы.

Ферганской каналэз лэстысьслэн но республикасьстымы Базезинской районьсы Кировлэн нимыныз нимама колхозысь колхозник'ёслэн опытысы Ижевск-Базезино тракт кылем арын реконструировать каремын вал. Соослэн опытысы Удмуртись трос колхоз'ёсысь колхозник'ёс ужасы.

Сарапульской районьсы "Третий год пятилетки" колхозысь колхозник'ёс туэ Ижевск-Сарапул кыктэтй народной магистралэз лэстыны мылгыдзэ сётызы. Соослэн ёмзды умой вазиськызы Сарапульской, Клясовской, Каракулино, Камбарской, Завьяловской, М. Пургинской но Ижевской районьсысь колхозник'ёс. Толалтэ ик со трактэз лэстыны материал дасыны трос колхозник'ёс потызы.

Асьме Пычасской районлы 1941 арын Пычас-Б. Кибья трактэз лэстыны бадзым уж быдэстоно. Озы ик отремонтироваь кароно Ижевск-Можга трактэз. Та сюрес'ёсты лэстыны 5166 кубометр

из но 2260 кубометр гравий дасыны асьмелы план сётэмын. Озы ке но, туннэ нуналозь из 2500 кубометр но гравий 500 кубометр гинэ дасымын. Из дасынын ужало Александровской сельсоветысь "Искра социализма", Писеевской сельсоветысь "Виль кадр" но мукет колхоз'ёс. Та кык сельсовет'ёслэн сюрес лэстыны материал дасын планзы быдэстэмын 70 проценты.

Кылем арын сярэсь туэ сюрес лэстын план бере кылыса быдэсме. 15 июнь азелы сюрес лэстын материал'ёс 40 процентыз гинэ дасымын. Тужгес ик лэб ужало Б. Учинской сельсоветысь колхоз'ёс. Ивановской но Б. Кибьинской сельсовет'ёс сюреслы материал дасын борды ёз ик кутыкыла на.

Сюрес лэстын план 5 июлэз быдэстэмын луны кулэ. Со понна нуналлы быдэ вискарытэк сюрес лэстынын 624 валэн но 983 мурт пыдын ужано. Али нош пыдын ужасьёслэн лыдзы 200 муртлы гинэ матэ вуэ, вал'ёсын 50 мурт ёрос гинэ ужа. Таче ужлы азыланьны ноказыы ик чиданы уг луы.

Асьмелы культурной но благоустроить карем сюрес'ёс лэстыно. Сюрес лэстынын Ферганаьсы колхозник'ёслэн опытысы уже кутэмын луны кулэ. Вань колхозник'ёслы ог мылгыдын уже потыса вакчи дырын зечлыко сюрес лэстынэз быдэстоно.

Районамы

Ветродвигатель лэсты

Б. Кибьинской сельсоветысь Клим Ворошиловлэн нимыныз нимама колхозысь хозяйствоос ву ласын шугуло. Шур ёвёл, куйыны ву кыдэкин. Соин ик колхозник'ёслэн но колхозницаослэн обшой собраниязы решить каремын вал колхозэ ветродвигатель пуктыны. Май толэзлэн жыныяз колхоз ветродвигатель лэстын борды кутскиз. Гужем чоже сое вутыны чаклало.

В. Рысьев.

Сюрес'ёсты тупатон

Мало-Валожикьинской сельсоветысь колхоз'ёс туэ 1,7 километр выль сюрес лэстыно но 9 километр вуж сюрес'ёсты тупатон луо. Али колхоз'ёз сюрес'ёслы материал дасын бордын ужало. Из поттонын "Коминтерн" колхозысь нуналлы быдэ ужало 12 вал'ёс, "Активист" колхозысь—14. Из поттон борды ваньмыз кутэмын 37 вал. Со сяна, нуналлы быдэ кызы муртлэсь уно пыдын ужасьёс луо на.

Мамаев.

Одйг но жыны норма

"Коммунар" колхозысь колхозник'ёс но колхозницаос пар гыроньны нормазэс тырмытыса но мултэстыса быдэс'язы. Двухлемешной плуген гырон норма 1,10 гектар, нош

Корнилова Лидия, Иванов Аверьян, Алексева Зоя, Николаев Петр но мукет'ёс нуналлы 1,5—1,6 гектар гырылызы.

А. Александров.

МВО-лэн Н-ской частяз



Радиостанциен практической занятиын младшой сержант Ф. А. Рыжов (бурысез) но радист А. Я. Вишняков.

А. Межуевлэн фотоэз. ТАСС-лэн фотохроникаэз.

Степан Разин

XVII даурлэн шорвальсаз Дон выльсь казак'ёс пёлын равенство ёй вал. Куд-ог казак'ёс умой муз'емез бастызы, вузкарыса улыса узьмызы. Мукет'ёсыз нош узьр'ёслэн зибетсы улэ кылыса узьр'ёс доры ик кабалае мыннызы. Уноез казак'ёс узьр'ёслэн эксплуатацизылы чидатэк улылызы грабежен, разбоен. Туж адзем потостэм кариз голытба московской помещик'ёсты, унопол жутскылыз узьр'ёслы пумит. 1670 арын соос нош ик жутскизы Степан Тимофеевич Разинлэн кивалтэм улсаз. Разин ас котыраз уно голытбаэз (куанер'ёсты) люказ. Сое атаманэ бирйызы. Разин сьбры ик уно казак'ёс мыннызы. Тулыс Разин сизым сюрес мурт казак'ёсты но куанер'ёсты люкаса Царицынэз бастыз (Волга дурын, туэ—Сталинград). Со бере со бастыз Астраханэз.

Отысен Волга кузы выль тубыса со Симбирек доры вуиз. Эксей правительство бадзым армия люкаса Разинлы пумит лэзиз. Симбирек дорын ожмаськоньны Разин раныть каремын вал. Со Дон выль кошкыз. Отысен узьр купец'ёс сое правительстволы сётызы. 16 июне 1671 арын Разин казнит каремын вал. Озы ик кутылэмын но казнит каремын вал восстанилэн мукет участник'ёсыз но.

КУНГОЖ СЬБОРЫН

Ожлэн фронт'ёсаз

Куинь берло суткаос чоже (11 но 13 июне) германской авиация Южной но Центральной Англилэн пёртэм объект'ёсыз выль налет'ёс лэстыз. Ву вылын операциосын выйтэмын вал кбня ке английской торговой пароход'ёс.

Английской авиация 12 но 13 июне Германилэн Рурской областысьтыз промышленной район'ёсэс бомбардировать кариз, со пёлын Дуисбург но Дюссельдорф. Озы ик атаковать каремын вал Францысь, Бельгийсь но Голландысь германской базаос.

Средиземной морелэн бассейназ ваче ожмаськысь кун'ёслэн авиацизылэн активностез пусыське. Английской бомбардировщик'ёс атаковать каризы Родос итальянской островез. Американской корреспондент'ёслэн ивортэмзыя, национальностьсыя тодмотэм самолет'ёслэн эскадрильязы 12 июне чукна гибралтарской крепость выль вить бомбаосты куштыз.

Северной Африкаын но кыче воштиськон'ёс ёз луэ. Абиссиниын, кызы ивортэ Рейтер агентство, англичан'ёс бастызы Лекенти важной пунктэз, кудыз сылэ Аддис-Абебасысь шунды жужан паламынись главной сюрес вылын.

Сирийн вань фронт'ёсын кужмо бойёс мыно. Агентство Рейтер ивортэ, что куд-ог мурт'ёслэн малпамзыя, Сириялэн столицаэз Дамаск английской войскоосын котыртэмын ни но городе пыронзы жега на. Страналэн уно район'ёсаз француз'ёс тушмонлэсь атакаосэ отбить каризы. Кык английской мотомеханизированной колоннаос, куд'ёсыз Иракысен наступать каро, бастызы Восточной Сирийсь Эль-Хасейка пунктэз.

Германской авиация бомбардировать кариз Палестинаьсы Хайфу городэз.

14 июне (ТАСС).

ЧЕРЧИЛЛЭН ВЕРАМЕЗ

10 июне общинаослэн палатаязы Англилэн премьер-министрез Черчилль ивортыз, что Крит вылын Англилэн ыштон'ёсыз 15 сюрес адыми ёрос лыд'яеко. Татчы пыро вием'ёс, сьсырмем'ёс, ивортэк бырем'ёс но пленэ сётиськем'ёс. Та лыдпус бастэмын грек'ёслэсь но Критын улысьёслэсь ыштон'ёсэс пыртытэк. Немец'ёслэн ыштон'ёсы тачеэсь: 5 сюрес адыми Крит котырын морены быдтэмын но бжытсэ вераса 12 сюрес мурт быдтэмын остров вылын. Немец'ёс озы ик ыштыз 180 истребительёсэс но бомбардировщик'ёсэсэ но 250 транспортной самолёт'ёсэсэ.

Сирийн операциос сяпалатаязы Черчилль шуиз, что "Англилэн ёвёл но кыче территориальной притязаньосыз Сирия яке кыче ке мукет французской территория ласын". Иракын но Сирийн операциос, Черчилльлэн верамез'я, кутскемын вал соин, что отын немец'ёслэн позициосэс кужмоятэмзы кышкытлык кылдытыз Нил шурлэсь долиназэ но Суэцкой каналэз утялтыса возёнлы.

Атлантика понна нюр'яськонэз, пусыз Черчилль, Англия азинлыко нуэ.

Черчилль вераз, что матысь куать толэз чоже эшипо но кужмогем нюр'яськонэз возьмано усе. (ТАСС).

Муссолинилэн верамез

10 июне, Италилэн войнае пыремезлы ар тырмон нуналэ, Муссолини речен выступить кариз. Со вераз, что Греция ожмаськоньны Италия ыштыз 17 судноосэ, куинь эсминец'ёсэ но 97 самолет'ёсэс. Муз'ем вылын ожин бырем'ёслэн лыдзы—13.502 адыми, раненойёслэн—38.768 но кымыса сьсырмем'ёслэн—17.547.


Муссолини ивортыз греческой но югославской тер-

риториез люкон сярэсь. Германской но итальянской командованиос кустын лэстын соглашения, Греция быдэсак итальянской войскоосын оккупировать каремын луоз.

США-ослэн Ангилы юртэмзы сярэсь ивортыса, Муссолини шуиз, что США-ослэн оже пыриськемзы уз вошты ни али положениез.

(ТАСС).

Всесоюзной сельскохозяйственной выставки



Механизацилен но Главконсервлэн (паллянысез) павильонъёсы. Г. Широковлэн фотоес. ТАСС-лэн фотохроникаез.

Ку бордгазет потоз?

—Кызы нимасыке бордгазетты? —Гм, уг тодйськы ни... —Кызы уд тодйськы? —Ма, бен, кызы тодом? Арлэс кема оз пота ни со, нимээ вунэйт... Степан Разинлэн нимы- ныз нима колхозын кукке бордгазетлы редколлегия быр'емын ик вал но, табере тодйськы бвёл ни. Оло Петров, колхозлэн председателез, сюлмасыкоз ик-а бордгазет сярсы?

И. Россомахин.

Гибралтар

„Ог вадеслы гинэ малпалэ ай, Гибралтар асьме кыи бвёл ни шуыса, соку тододы, кыче важно сое асьме кие кельтыны“, — гожяз ожлэсь азьло ик английской буржуазилэн „Таймс“ нимо кивалтйсь газетэз.

Кык даурлэсь кема кузёясыке ни Англия Гибралтарын. Гибралтар— туж юн крепость, со Атлантической океанысь Средиземноя морее пырон капкаен луэ. Берись пид'ёсыз вылэ пуксем лев сямен Гибралтарской скала чакла Средиземной морее пырысь но отысь потйсь корабльёсты. „Куд-ог выдающийся автор'ёс даже осканы турско, что Лондонэз куашкатэмлэн из'янез обжыгес луысал, Англиз Мальтаысь но Гибралтарысь уллямлэн из'янез сярсы“, — гожяз ас дыраз Фридрих Энгельс.

Пырак но, Гибралтарлэн стратегической значениез туж бадзым. Средиземной морее пыранлэсь шунды пуксён палзэ возмаса, со охранять каре важнейшой но самой вакчи морской сюресэз, кудйз герза Англиз солэн шунды жужан пал колониальной владениосыныз но доминион'ёсыныз, охранять каре со сюресэз, кудйз, Англизлэн иностранной уж'ёсыз'я министрэлэн Иденлэн верамез'я, „Британской империлэн жизненной вйрареныз“ луэ.

Африкаанской ярдурин, Гибралтарской проливлы ваче-берин, вань крепость Танжер, кудйзлэн озы ик палэнкемез уг поты Гибралтарской проливен кузёяськонлэсь. Со-

ин тйни английской дипломатия вань кужымэз поныса сётытэк туртскыз проливен кузёяськонэз мукет кунлы. Бератаз Англия зйбем улсын Танжер международной „нейтральной зонае“ превратит каремын вал. Соин кивалтйз нимаз кылдытэм администрация, кудаз пырыз Англизлэн, Францилэн, Испанилэн но Италилэн быдэн одйг представител'ёсы. 1923 арын гожтэм договор'я Танжерлэн портэз усътэмын вал вань кун'ёслы. Одйг державалы но оз лезыскы Танжерин укреплениосты лэстыны.

14 июне 1940 арын Танжерской международной нейтральной зонаез Испания басытйз. Испанской правительстао огазез Танжерез Испанской Мароккоен. Озы ке но, Англизлэн но США-лэн зйбемзы улсын Испания Танжере укреплениос лэстынтэм сярсы обещание сётыз. Со дыре ик Англия ускоренной темпен ужаз Гибралтарез эшшо но зол юнматон бордын.

Гибралтарлэн осконтэм интыеныз сое Пиренейской полуостровен герзась сюбег перешеек вал. Та вакыт Гибралтаре перешеек вылтй пырон туж бадзымесь шуг секыт'ёсын герзаськемын, малы ке шуод, перешеек сюбеген отчы уно армия вайыны уг луыно, со сяна, англичан'ёс перешеек вамен 1200 метрем канал гудйзы. Гибралтар табере искусственной шормуш луыз. Каналлэн пасьталасэз 3 но жыны метр, мурдалаез —4 но жыны. Перешеекын озы ик лэстысько секыт артиллериялы

Партилясь историзэ первоисточник'ёс'я дышетско

Б. Кибьинской НСП-ысь дышетйсьёс „ВКП(б)-лэн историезлэсь Краткой курсэ“ дышетскыса пыр потйзы. Ваньмыз дышетскиз 13 мурт. Дышетскон арчоже арнялы быдэ орччт'яськызы товарищеской собеседованиос. Дышетйсьёс ваньмыз ик отын активно участвовать карызы, събра-

зы конспект'ёсын лыктылызы.

Али ми кутскимы ни партилясь историзэ первоисточник'ёс'я дышетскон борды.

ВКП(б)-лэсь историзэ дышетскон'я милям выламы басытэм обязательствомы быдэсмиз.

Б. Муравьев.

УМОЙ ГАЗЕТ НУЛЛЙСЬ

Асьме кунын калыклэн улонэз нуналлы быдэ воштйське, умоя. Котькудйз нунал кунмылэн улоназ маке но выль пыртэ. Город'ёсысь, колхоз'ёсысь калыкы улонлэсь бере кылэнтэм понна, кунамы чик дугдылытэк мынйсь бадзым лэстыськон ужез толыса улон понна, ас честной уженыд солы юрттон понна нуналлы быдэ газетэзлыдыны кулэ. Котькуд советской патриотлы дуно асьмелэн басытэм азинскем'ёсмы, соин ик со азинскем'ёсты котькинлэн тодыса улэмез потэ, азыланьын эшшо но бадзы-

месь азинскон'ёс басытены юрттэмез потэ.

Тае умой тодэ Бобья-Уча сельсоветысь „Удмурт бубби“ колхозысь гожтэт нуллысь Тимофеев Пахом. Сола 50 арес ни, ужзэ котьку ик добросовестно быдэс'яз но быдэс'я. Тимофеев эш газет'ёсты вёлдонлы, соосты колхозник'ёслы дыраз сётыяны бадзым значение сётэ. Соин ик котькуд колхозник, котькуд колхозница быгатэ улонэн чош вамыштыны, ас честной уженыз коммунизм лэстынтлы юртыны.

П. Семенов.

Нюлэсэз утылто

Б. Кибьинской лесничество туэ 200 сюрс модос ёрос пужым но акация мерттыз. Лесник'ёс Санников но Иванов мерттыз быдэ 80 сюрс модос, лесник Ворожцов—20 сюрс. Мерттэм пужым но акация умой будо.

А. Ходырев.

Ростовской областись Мечетинской районьсь колхоз'ёс обязательство басытйзы 1941 арын котькуд гектарысь 120 пуд тысё юосты басытйны. Удалтонлык умой луоз шуыса чаклало.



Колхозлэн председателез М. И. Вошин (паллянысез) но 2 номеро полеводческой бригадалэн бригадирез К. А. Гусаков озимой чабеез эскеро.

А. Братолобовлэн фотоес. ТАСС-лэн фотохроникаез.

„Коммунизме“ газетлэн редакциез куре селькор'ёсты авторской гонорар басытон понна редакцие пырыны.

Отв. редактор М. А. Шарипов.

УДМУРТСКОЙ АССР-ысь НАРКОМПРОСЛЭН, МОЖГИНСКОЙ УДМУРТСКОЙ ПЕДАГОГИЧЕСКОЙ УЧИЛИЩЕВЗ 1941-42 ДЫШЕТСКОН АРЛЫ 1-ТЙ КУРСАЗ ДЫШЕТСКИСЬЕСТЫ ПЫРТОН ЯЛЭ

Педучилище пыртйсько удмурт'ёс но удмурт кылэз умой тодйсьёс: нылкышноос но пиосмурт'ёс но, арлыдыня 15 аресысен 30 аресозь, дышетскемзыня 7-тй классэз быдтэм'ёс. 1941 арын 7-тй классэз основной предмет'ёс'я отлично оценокосын быдтэм'ёс испытанитэк пыртйсько, мукет'ёсыз ваньмыз ик испытание орчточае предмет'ёсын: зуч кылын (устно но гож'яськон), удмурт кылын (устно но гож'яськон), арифметикаен (устно но гож'яськон), конституциен (устно), географием (устно).

Испытание средней школалэн 7-тй классэзлэн программаез'я орччоз.

Заявлюности кутон 20-тй июнысен 20-тй августозь орчче. Заявление директорлэн нимаз сётыське. Заявление бордын тае документ'ёс луыны кулэ:

- 1) Дышетскем сярсысь свидетельствоз. 2) Вордскем сярсысь свидетельствоз. 3) Куинь фотографической карточка. 4) Тазалык сярсысь справка. 5) Военской обязанностылы отношение сярсысь справка (военнообязаннойёслы). Паспорт събразы вайыса лично возматйське.

Пырыны испытаниос 20-тй августысен 30-тй августозь орччозы. Испытанитэк пыртэм отличник'ёслы но испытание дыр'я 2-3 предмет'ёс'я отлично но мукет'ёсыз'я хорошо оценокен сдать карем'ёслы стипендия тырыськоз.

Кулэ карисьёслы общежитие но кблан котыр сётыськоз.

Дирекция.